

بِسْمِ اللّٰهِ الرَّحْمٰنِ الرَّحِیْمِ



DISCOURS CLOTURE

## JALSA SALANA

HAZRAT MUHYI-UD-DIN AL-KHALIFATULLAH

*Munir Ahmad Azim*

11 Novembre 2015  
(29 Muharram 1437 Hijri)



*Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hadhrat Muhyi-ud-Din Al-Khalifatullah (atba) fine lire Tashahhud, Ta'uz, Surah Al Fatiha, et li fine ensuite cause lors le sujet de « **La Jeunesse** »:*



La jeunesse c'est ene richesse inestimable pour ene nation puisque c'est sa nation là so devoir pou garanti pour la jeunesse, so sécurité et so l'espoir. Malheureusement, nous constate azordi jours ki bane jeunes musulmans, particulièrement à Maurice zot trop centrés lors zot-mêmes. Si nous demande zot saki zot fer pendant bane vacances, zot pou réponde à l'unanimité ki zot ena leçons, zot guette télévision, zot lors Facebook, ou sois zot sorti avec camarades pou alle dans bane centres commerciales etc.

Eski sa même tout la jeunesse ? Eski la jeunesse résume à zis sa ? Azordi jours, li bien rare pou trouve bane jeunes ki pratique bane les autres activités. De même, dans bane collèges, nous trouve ene nombre important de bane absents le jour kan l'école décide, par exemple, pou faire ene activité de charité, parski bane z'élèves préfère reste kot zot pour travaille bane 'test papers', bane devoirs

leçons, ou pire, pou amize zot entre zot-mêmes. Zot pas réaliser saki zot pé perdi, parski justement nous formation islamique recommande nous pou être généreux et pou aide nous prochain, pou défann bane causes justes et pou travaille pour le bien de l'humanité. La jeunesse musulmane bizin partage et affirme bane valeurs ki zot croire fermement là-dans, en participant de façon volontaire et active à la vie collective.

L'engagement social comporte plusieurs bane bienfaits lors le plan psychologique. Ena d'abord ene meilleure compréhension de bane dimounes ki sorti de bane milieux différents. De nos jours, ene jeune ki fine grandi dans ene l'environnement aisé, entouré avec bane richesse matérielles li reste dans so cocon kot li concentrer li exclusivement avec so bane l'études académique, so portable dernier modèle, so bane gadgets et so bane réseaux sociaux (couma Facebook, Twitter etc.) sans ki li ena ene l'idée de bane difficultés ki bane les autres faire face, bane dimounes ki pas fine gagne saki li fine gagner, bane démunis, bane malades, bane handicapés, bane ki pas capave ni lire ni écrire, bane orphelins, et la liste là longue. C'est kan li pou mette li-meme à disposition de bane ki dans le besoin, kan li rende zot service ki li pou capave grandi dans ene bon façon, kot li gagne maturité, que ce soit lors le plan physique et émotionnel aussi.

Bane chercheurs dans sa domaine là fine arriver constate ene changement d'attitude kot bane jeunes ki faire bane travaux sociales, et sa bane résultats là zot positifs. Bane recherches montrer ki ena en effet ene corrélation positive entre l'engagement social et la santé mentale. Fine démontré ki l'engagement social permette à ene kikaine pou ena pliss tolérance, pou ena pliss ouverture d'esprit, et sa permette li aussi pou ena l'amélioration dans so capacité pou ena confiance dans li-meme, kot sa aussi aide li dans so l'amour propre, et kot li gagne ene satisfaction personnelle dans saki li fer (pou aide les autres) et alors en général sa aide li dans so bien-être psychique. Zot fine également observe ene amélioration dans le niveau de stress de bane jeunes, kot sa bane là zot vine pli motivés, pli concentré et réussi dans zot bane l'études. Et sa bane jeunes là zot réussi aussi pou conserve bane comportements sains, par exemple, kot beaucoup abandonne cigarette, l'alcol et reste loin avec la drogue. Nous trouve aussi ki ena moïnse dépression et suicides parmi bane jeunes ki engage zot dans bane travailles sociales parski zot senti zot utiles kan zot soulage souffrance de bane les autres. Sa sentiment merveilleux là ena ene l'importance capitale pou sa bane jeunes là parski sa aide zot pou combattre bon nombre de bane fléaux. Nous capave dire ki le travail humanitaire en général permette nous pou grandi, pou pousse nous pou arrive à maximum de nous capacité dans fer bon travailles, pou arrive découvert nous-mêmes et pou découvert bane les autres dimounes aussi. L'engagement social veut dire ki nous bizin ena bane tels bons valeurs, kot nous partage sa à bane les autres, et en même temps nous trouve nous place et nous senti nous utile en servant bane les autres dimounes.

Bane jeunes à l'époque de la meilleure génération, c'est-à-dire, celui du prophète Muhammad (saw), ti ena sa désir profond là pou engage zot dans bane bons travailles. Ene jeune compagnon

du Saint Prophète (saw), Abu Saïd Al Khudri (ra), ki ti à sa l'époque là à peine âgé de 14 ans ti ena ene grand désire pou participe dans bataille Uhud. Li fine demande permission avec le Messenger d'Allah (saw) mais Hazrat Muhammad (saw) fine refuser parski li ti trop jeune ! Récompense d'Allah li en vrai dire immense, spécialement pour ene jeune, couma fine cité dans sa hadith là :

Le prophète (saw) fine dire : **« Ena sept catégories dimounes ki Allah pou accueillir sous So l'ombraze le jour kot pas pou ena aucaine l'autre l'ombraze sauf So l'ombraze (et parmi li fine dire) : ene dirigeant juste, ene jeune ki fine grandi dans l'adoration d'Allah, ... »** (Hadith rapporté par Hazrat Abu Huraira et recueilli dans Sahih Al-Bukhari).

Alors, la jeunesse d'aujourd'hui bizin marche lors le droit chemin et li bizin accompli bane bons actions ki très certainement ene bénédiction d'Allah (swt) pour li, parski c'est dans so jeunesse ki ene dimoune li pli susceptible pou laisse li tenté par toutes sortes de tentations, et c'est dans so jeunesse ki li pli égoïste, kot li envie goûte à toute sortes de bane plaisirs et oublié pou faire bane bons actions. Bien souvent nous entende bane jeunes dire: *« Nous ena ene sél jeunesse ; alors nous bizin profiter pou amize nous bien, et kan nous vine vié nous pou ena tout létemps pou rapproche nous avec Allah »*. Mais eski nous conné si pas nous pou vieilli ? Nous pou gagne sa létemps là ? Alors nous bizin suivre bane conseils du Saint Prophète (saw) kot li dire : **« Profite de cinq kitchoses avant cinq les autres : de zot jeunesse avant zot vieillesse, de zot la santé avant maladie vini, de zot richesses avant ki la pauvreté frappe zot, de zot lé temps libre avant ki zot vine trop occupés, et de zot la vie avant zot la mort »**. (Hadith rapporté par Ibn Abbas et recueilli par Al-Hakim).

Ô bane jeunes ! Réfléchi bien lors sa hadith là. Profite de zot l'énergie, de zot courage, de zot l'enthousiasme, de zot lé temps libre afin pou mette zot au service de l'humanité pour le plaisir d'Allah. Pas gaspille zot jeunesse ki bien précieux dans bane activités inutiles, ki pas pou servi zot nannié dans *Aakhérat*.

Bane diverses institutions bizin encourage bane jeunes et même bane zenfants dans sa sens là. C'est la responsabilité de bane parents, de bane l'écoles, de bane Madrasas. Li pas suffit à bane l'écoles pou faire ene excursion ene fois par an dans bane centres pour handicapés dans le but pou conscientise bane étudiants. Bizin concrètement mette sur pied bane associations et organisations afin pou favorise sa bane jeunesses là zot sens de responsabilité, mais surtout pou développe zot volonté pou prend bane l'engagements et pou vine autonome. C'est à sa prix là ki nous pou capave espérer ki nous bane jeunes pou engage zot pou vine bane dimounes responsables en toute conscience. Bane ki engage zot dans bane travaille sociales zot affirmer avec ene l'émotion extraordinaire ki sa l'émotion ki zot ressenti kan zot trouve le sourire d'ene dimoune ki zot fine capave aidé, sa pas ena aucaine prix!

Ki Allah (swt) supporte tous bane ki dans sa chemin là, et ki Li (Allah) récompense zot en abondance et guide bane les autres aussi dans sa chemin droite là, *Ameen, Summa Ameen*.